

## Universitätsbibliothek Paderborn

**R. P. D. Henr. Harphii Theologi Eruditiss. Ordinis  
Minorvm, Ac Rervm Divinarvm Contemplatoris eximij.  
Theologiæ Mysticæ Libri Tres**

**Henricus <Herpius>**

**Coloniæ, 1611**

De consurrectione vitæ contemplatiæ supereminens, & operatione  
Spiritus sancti. Cap. LXIII.

**urn:nbn:de:hbz:466:1-37362**

inuitaturq; & trahitur ad ineffabilem amplexum eminētis, & supereminentis vniōnis cum Deo. Et h̄e sunt tres porta, quas ipsa sancta Trinitas anima amorose aperit ad contemplandum, & cognoscendū ex parte infinitū thesaurū Dei. Et in isto finimus ornatū istius vitæ.

*De consurrectione vita contemplatiæ supereminentis, & operatione spiritus sancti. Cap. L. XIII.*

Operatio-  
num diui-  
narum in  
anima di-  
sceretio.

Exod. 19.  
Exod. 24.

Zad. 19.

**V**ltimò perpaucis agemus de consurrectione istius vita, seu statutis, quia nihil dignum de hoc scribi potest, respectuè ad id, quod est in veritate: & hoc propter incomprehensibilem, nobilem subtilitatem tractus sancte Trinitatis, & propter immumeros modos sue sancte inactionis, iuxta suam inordinatissimam voluntatem, & nostram præparationem. Hic sciendum, quod ista consurrectio dumtaxat sit per inactionem Dei, quia hic anima stat eleuata supra omnem propriam operationem. Et licet opera sanctæ Trinitatis sint indiscreta, tamen vnicuique personæ in diuinis appropriatur actio sua propria in tribus superioribus viribus animæ: quia Spiritus sanctus suo tractu operatur in voluntate, seu virtute amatua superiore: Filius in vi intellektu: Pater in memoria: Et tunc anima apta efficitur ad contemplandum Deum. Cærerum, quia Spiritus sanctus nobis propinquior est secundum effluxum sancte Trinitatis, eo quod procedat à Patre & Filio, idcirco amatua vis primò agitur, & trahitur, deinde intellectus & memoria. Ista cōsurrectio, vel ascēsio figuratur est in Moysi, qui à Deo vocabatur ad ascendendum in montem Sinaï. Moses iste cum omnibus filijs Israël videbat Deum à longe, eratq; species gloriae Dei super montem Sinaï quasi ignis ardens in conspectu filiorum Israël, quo figurantur qui egressi sunt de seculari vita in desertum penitentia. Sed præcepit Deus Mosi, ut se à communi populo sequestraret, & paru pedem moneis ascēderet cum Nadab, & Abihu, & septuaginta duobus senioribus, qui ordinati fuerant cum Moysi iudicare populum. Et tunc vidit Moses sub pedibus Domini, opus quoddam ex coloribus factum quasi de lapide sapphiro fuisset, vel quasi celum cum serenum est, quo ascensu designatur inactio & tractus animæ, qui fit à Spiritu sancto. Sicut enim ibi siebant tonitrua magna, & fulgura, & terræmotus, priusquam Moses vocaretur ad ascendendum, ita etiam fiunt in hominibus vigorosæ inactiones Spiritus sancti, ignea flama ardoris, & motus magni corporis; & tunc venit spiritus Dei, influens quasi profusus,

vixi-

viuidas, superdulcis fons, in quo amorosus spiritus baptizatur atque immersitur, ineffabiliterque eleuatur in quendam secretum amplexum diuini amoris, vbi exercitia perfecti amoris discit, hoc est, mutuam contemplationem, & aspirationem; mutuam familiaritatem, & amplexationem; mutuam tensionem, & degustationem; placere, & cōplacere; in amore liquefcere, & defluere in dilectum. Et hi Deum contemplantur velut ignem ardorem, id est, bonitatem Dei sentiūt Deus ignis. veluti abyssalem quādam & incomprehensibile ardorem aeterni amoris, qui ipsis infundit & stabilit in eis ineffabilem quandam, dulcem, diuinam tensionem in amore fruituo, & sic liquecunt in Deum, qui est amoris ignis infinita magnitudinis, & in hoc assimilantur ijs qui versantur in caelo: nam vniusquisque beatificus & amans spiritus, est veluti carbo ignitus, quem Deus suo igne totaliter incendit, ita quod vniuersi spiritus beatifici cum Patre & Filio in unitate Spiritus sancti hunc ignem immensum efficiūt, vbi diuinæ personæ in unitate essentiae sive per amorem conflantur in vnam infinitibilem abyssum simplicis beatitudinis, vbi nec Pater, nec Filius, nec Spiritus sanctus, nec creatura aliqua est, duntaxat simplex quædam essentia, id est, sanctæ Trinitatis simplicissima substantia, vbi cunctæ creaturæ in superessentiam suam absorbentur, vbi denique omnis fruitio consummatur, & perficitur in essentiale beatitudinem.

Cum igitur homo introuersus, didicit liberè, purè, totaliter, & efficaciter se demergere in immensum diuinum amorem, vt ab illo absforbeat, tunc à facie diuini amoris scintillat lux quædam intellectu-alis (sed tam repente & momentaneè, quasi fulgor de calo egrediens) in spiritum, qui latè expansus est ex vigoroso impulso, & mirando, sed amoroso conflietu inter spiritum diuinum & humanum, donec supra omnem conflictum mutuò se amorosè complectantur in nudo fructuо amore.

Ponamus grossum exemplum de isto pro informatione simpliciū per similitudinem: Accipe speculum concavum, quod vocatur ardens Speculum. vel incendens, & pone illud ex opposito solis, quando valde clarè lucet, deinde accipe papyrum immersam sulphuri, & tene ipsam in spatio duarum palmarum à speculo in acie reflexionis procedentis à speculo, & cum tenueris ibi immobiliter ex opposito ad spatium unius Misericordie, accenderis ab ipso punto reflexionis. Sic etiam spiritualiter contingit, quando nos introuerimus, & animam nostram ab omnibus

purgatam peccatis, cum magno desiderio, ardenti amore, & deuota reverentia ad Deum subleuamus: tunc, inquam, illucet claritas diuinæ gratiæ in speculum animæ, & tam efficaciter ibi operatur æterno amore, quod mens, seu apex animæ nobilissimus amore accenditur & illuminatur simplici quadam claraque notitia supra omnes intellectuales vires: & spiritus in æternum amorem collabitur dimeritus, sibi moriens, in Deo viens, ita ut unus amor cum æterno amore effectus, nihil aliud sentiat quam amor: quia liber & otiosus ab omnibus exercitijs, & actibus amoris efficitur, patiens & recipiens diuinum simplicem amorem, eius spiritum consumenter, utpote in amorem liquefactum, ita ut nec sciat, nec sentiat seipsum, neque Deum, nec creaturam aliquam, nisi solitum amorem, quem gustat & sentit, a quo possidetur in quadam simplici, & nuda otiositate feliciter.

*Do operatione Filij in intellectu. Cap. LXIV.*

**S**ecundò operatur Filius tractu suo in virtute intellectiva. Ista operatio signata fuit in Mose, quando secundò vocabatur à Domino ad altius ascendendum super montem, tunc Iosue tantum a sumpro, ceteris dixit, ut se ibidem expectarent, ipse autem in montis cellitudinem ascendit, nubesque tenebrosa operuit montem, expectavitque Moses cum Iosue, donec à Domino vocaretur. Quo facto, reliquit Iosue in vallicula, vel montis quadam planicie, & ascendit in cælum, ubi solus sex diebus manxit, antequā à Domino iterum vocaretur. Hic ascensus designat spiritualem illam actionem, & tractu in intellectu, quæ adscribitur Filio: & propriè dicitur speculatio, hoc est, videre in speculo, quia spiritus hominis iam factus est tanquam viuidū spirituale speculum, in quo Deus format spiritum veritatis, in quo & ipso per plenitudinem gratia sua inhabitat. Ostendit etiam se Deus in illo speculo viuido, non sicut est in sua essentia, sed in eminentiis suis & nobilissimis imaginibus, ac similitudinibus, adeò ut illuminatus subleuatusque intellectus, sine omni errore clare cognoscat in imaginibus intellectualib⁹ omnia, quæcumq; audire potuit de Deo, de fide & de omni occulta veritate, videlicet, quomodo Deus est summa maiestas, veritas, bonitas, sapientia, misericordia, iustitia, & amor: deinde quomodo sit differentia personarum, & quod vnaquaque persona est Deus omnipotēs. Cognoscit etiam unitatem diuina naturæ in sancta Trinitate, & Trinitatem in naturæ unitate, & vnamquamque personam esse Deum in, unitate essentiæ. Agnoscit insuper esse secunditatem

*Exod. 33.*

*Speculatio*